



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Corpus Doctrinae Christianae

Melanchthon, Philipp

Lipsiae, 1572

VD16 M 2890

Fiat Voluntas Tva.

**urn:nbn:de:hbz:466:1-36094**

## ADVENIAT REGNUM TVVM.

De effectu primæ petitionis præcipue loquitur. Sparsa Euan-  
gelij voce, regas etiam nos Spiritu sancto tuo, effice vt verbo tuo cre-  
dentes, incoa in nobis regnum tuum, vt simus hæredes regni tui, &  
desistas regnum Diaboli, horribiliter grassantis in genere humano,  
& passim homines impellentis ad Epicureum Dei contemptum, aut  
colenda idola, scelerata homicidia, libidines, mendacia, & alios fu-  
ros. Adversus hæc mala defende nos æterne Pater Domini nostri  
Iesu Christi, & rege nos Spiritu sancto tuo, sicut dixisti: Effundam  
de Spiritu meo.

## FIAT VOLUNTAS TVA.

Id est, da vt omnes tibi obædiant in terra. Da ut pastores Ec-  
clesiæ, reges, magistratus, doctores, discipuli, ciues, suo loco singuli  
officium suum recte & feliciter faciant, ac omnes tibi obædiant, sicut  
Angeli in celo tibi obædiunt, & placent tibi. Tuum opus est effice-  
re, vt nos miseri, stulti, infirmi, res geramus bonas & salutes, simus  
organa non iræ, sed misericordiæ, simus viles Ecclesiæ, non simus  
petites & lasciosæ. Politia Ezechiæ felix est te iuuante. Politia Sede-  
chiæ infelix est, quia te adiutorem repellit. Nos non repellimus te,  
sed vero pectore, veris lacrymis oramus, vt nostras Ecclesias, docto-  
res, scholas, principes, gubernatores, populum regas, vt aliqua fiant  
tibi grata, sicut inquit Paulus: Deus qui efficit vt velitis, efficiet et-  
iam ut perficiatis, ut aliqua ipsi grata fiant. Nam Diaboli & homi-  
nos impij magno furore student ingrata Deo facere, confirmant Epi-  
scopos furiosos, idola, libidines, accendunt iniusta bella, efficiunt tri-  
stissimas vastitates. Sed ne totum genus humanum frustra conditum  
sit, ac omnes ingrata Deo faciant, Deus Ecclesiam vocauit, & Spiritu  
sancto suo trahit, vt bona & grata Deo faciat, sonet veram de Deo do-  
ctrinam, audiat, recte inuocet Deum, agat ei gratias, obædiat ei,  
multos feliciter abstrahat à Diabolo, pijs & salutaribus consilijs re-  
gnet alios, tueatur pacem & honestam disciplinam.

НАСТЕ  
ны и гитур petitiones complexæ sunt res summas, ac bona magis ad  
Spiritum, quam ad corpus pertinentia, communia & priuata, & ordo  
superius institutus est. Primum vera agnitio Dei petitur. Deinde  
agnitionis effectus, vt gubernemur à Spiritu sancto. Tertio, vt in sua  
quali; vocatione seu functione suum officium rite & feliciter faciat.  
Nunc sequitur petitio rerum corporalium.